



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-513-5/25**
Datum: **19.01.2026. godine**

„Agencija za vodno područje rijeke Save“ Sarajevo rješavajući po zahtjevu Javnog komunalnog preduzeća „6.MART“ d.o.o. Goražde za donošenje rješenja o vodnoj dozvoli za zahvatanje vode sa izvorišta „Starac“ općina Goražde a za potrebe vodosnabdijevanja potrošača na području MZ Sadba, MZ Vranići, MZ Džindići, MZ Mravinjac i MZ Vitkovići i prelaska dovodnog cjevovoda preko rijeke Drine korištenjem mostovske konstrukcije u Sadbi, na osnovu člana 109. stav (1) tačka 1. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

R J E Š E N J E **o vodnoj dozvoli**

1. Javnom preduzeću za komunalne djelatnosti „6.MART“ d.o.o. Goražde, kao Investitoru, izdaje se vodna dozvola za zahvatanje vode sa izvorišta „Starac“, a za potrebe vodosnabdijevanja potrošača na području MZ Sadba, MZ Vranići, MZ Džindići, MZ Mravinjac i MZ Vitkovići i prelaska dovodnog cjevovoda preko rijeke Drine korištenjem mostovske konstrukcije u Sadbi. Projektovani kapacitet zahvatnih objekata iznosi $Q= 20,75$ l/s.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekata i uz sljedeće uslove:
 - 2.1. Da korisnik predmetnih vodozahvatnih objekata i dionice prelaska preko rijeke Drine na mostu u Sadbi iste održava u funkcionalnom stanju i koristi u skladu sa njihovom prirodom i namjenom, te u skladu sa uslovima iz ove vodne dozvole.
 - 2.2. Da se trajno čuva sva raspoloživa dokumentacija i na zahtjev nadležnih organa iz sektora voda stavi na uvid.
 - 2.3. Da se vrši redovna kontrola stanja cjevovoda na mostu na Sadbi naročito u periodu i nakon pojave velikih voda u cilju preduzimanja mjera ukoliko dođe do oštećenja istog.
 - 2.4. Da korisnik vodovodnog sistema na rezervoaru „Sadba“ nastavi redovno vršiti održavanje uređaja za mjerenje količina zahvaćene vode sa izvorišta „Starac“ kao i vode koja se usmjerava u transportne cjevovode prema ostalim rezervoarima.
 - 2.5. Da se mjerni uređaj stalno održava u ispravnom stanju, odnosno redovno vrši baždarenje mjerača protoka u skladu sa propisima o mjernim uređajima (angažmanom ovlaštenog pravnog lica).
 - 2.6. Da korisnik objekta vodovodnog sistema vrši mjerenje količina zahvaćenih voda sa predmetnog izvorišta (u rezervoaru «Sadba») i o tome vodi evidenciju na propisanim obrascima, da podatke o tim mjerenjima unosi u propisane mjesečne izvještaje i iste redovno dostavlja ovoj Agenciji na način, po postupku i u rokovima određenim Pravilnikom o načinu obračunavanja, postupku i rokovima za obračunavanje i plaćanje i kontrolu izmirenja obaveza po osnovu opće vodne naknade i posebnih vodnih naknada («Službene novine Federacije BiH». br. 46/07, 92/07, 46/09, 79/11 i 88/12). Evidenciju o mjerenju zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanju podataka o količinama zahvaćene vode („Službene novine Federacije BiH“, broj 83/08).
 - 2.7. Da se uredno vodi dnevnik rada u koji će se unositi podaci o postupku hlorinacije i potrošnji svih hemikalija
 - 2.8. Da se vrši stalna dezinfekcija vode hlorisanjem kao i kontrola rezidualnog hlora u distributivnoj mreži, a u skladu sa Pravilnikom o higijenskoj ispravnosti vode za piće.
 - 2.9. Da korisnik predmetnih objekata obezbijedi stalni i sistematski pregled vode, od strane ovlaštene laboratorije, te poduzme sve potrebne mjere za osiguranje zdravstveno ispravne vode za piće.
 - 2.10. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće propisane Pravilnikom o zdravstvenoj ispravnosti vode za piće („Službeni glasnik BiH“, broj 40/10, 43/10, 30/12 i 62/17), vodovodni sistem isključi iz

upotrebe, odnosno blagovremeno i na adekvatan način obavijeste krajnji potrošači da voda nije za piće.

- 2.11. Da se vrši redovna kontrola uskladištenih hemikalija i obezbijede svi potrebni uslovi u cilju sprječavanja zagađenja površinskih i podzemnih voda uskladištenim materijama.
 - 2.12. Da Javno preduzeće za komunalne djelatnosti „6.MART“ d.o.o. Goražde u vremenu važenja ove vodne dozvole kod nadležnih organa pokrene aktivnosti u cilju donošenja odluke o proglašenju zaštitnih zona ovog izvorišta u skladu sa važećim Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje ("Službene novine Federacije BiH", br. 88/12), te da istu donesu u rokovima propisanim članom 15. tačka 1. navedenog Pravilnika. Da se u prvoj godini važenja ove dozvole uradi usklađivanje Elaborata o određivanju zona sanitarne zaštite sa važećim pravilnikom kao osnove za donošenje Odluke o proglašenju zaštitnih zona ovog izvorišta.
 - 2.13. U cilju najstrožije kontrole prostora na kome je smješten zahvatni objekat - kaptaža izvorišta „Starac“ potrebno je na odgovarajući način obilježiti upozorenjem o zabrani neovlaštenog pristupa. Ogradu i ograđeni prostor oko izvorišta „Starac“ potrebno je održavati što znači da je ovaj prostor potrebno kositi, uklanjati samoniklo šiblje i grmlje i isti obezbijediti i drugim mjerama fizičke zaštite i osiguranja, a što prvenstveno uključuje službu fizičkog obezbjeđenja na izvorištu (povremeni obilazak ili stalna posada), te alarm i druge mjere zaštite, ukoliko se to ocijeni potrebnim.
 - 2.14. Da se u toku važenja dozvole, u skladu sa Zakonom o građenju, pribavi upotrebna dozvola.
 - 2.15. Da se u toku važenja dozvole, od strane korisnika sistema, vrši redovna kontrola stanja cjevovoda i uočena eventualna oštećenja i uticaj na režim voda otkloni u najkraćem mogućem roku.
3. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).
 4. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
 5. Ukoliko prilikom upotrebe predmetnih vodozahvatnih objekata za koje se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekata je dužan uzroke štete otkloniti, a nastale štete nadoknaditi.
 6. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 7. U ovoj upravnoj stvari plaćene su sve upravne takse.
 8. Ova vodna dozvola, shodno članu 117. stav (1) i članu 129. Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
 9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
 10. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
 11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Javno preduzeće za komunalne djelatnosti „6.MART“ d.o.o. Goražde obratilo se ovoj Agenciji dana 05.12.2025. godine sa zahtjevom za izdavanje vodne dozvole za zahvatanje vode sa izvorišta „Starac“ za potrebe vodosnabdijevanja potrošača na području MZ Sadba, MZ Vranići, MZ Džindići, MZ Mravinjac i MZ Vitkovići i prelaz dovodnog cjevovoda preko rijeke Drine korištenjem postojećeg mosta u naselju Sadba.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o registraciji broj: 045-0-Reg-12-000 032 001850 izdatog dana 25.4.2024. godine od strane Općinskog suda u Goraždu,
- Ovjerena kopija Aktuelnog izvoda iz sudskog registra broj: 045-0-Reg-Z-25-000 294 izdatog dana 14.10.2025. godine od strane Općinskog suda u Goraždu,
- Ovjerena kopija Rješenja o upisu promjena podataka o subjektu upisa u sudski registar broj: UF:I-21/05 izdatog dana 21.04.2025. godine od strane kantonalnog suda u Goraždu;
- Ovjerena kopija Uvjerenja o poreznoj registraciji izdatog dana 20.09.2006. godine od strane Porezne uprave Federacije BiH – Kantonalni porezni ured Goražde,
- Ovjerena kopija Uvjerenja o registraciji/upisu u Jedinostveni registar obveznika neizravnih poreza broj: 04/5-1/IV-17-1-5684-7990/05 izdatog dana 12.11.2005. godine od strane Uprave za indirektno-neizravno oporezivanje Banja Luka,
- Ovjerena kopija Odluke o organizovanju javnog preduzeća broj: 01-023-101/89 izdatog dana 27.11.1989. godine od strane Skupštine opštine Goražde,
- Elaborat sanitarne zaštite izvorišta „Starac“, općina Goražde urađen od strane HIGRACON d.o.o. Sarajevo, septembar 2011. godine,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj: 31/15, 55/19, 41/20 i 63/22), izvršen je obilazak predmetnog vodozahvatnog objekta i dovodnog cjevovoda preko rijeke Drine na lokalitetu Sadba, grad Goražde i tom prilikom je sačinjen zapisnik o izvršenom uviđaju broj: UP-1/21-3-40-513-2/25 od 22.12.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Izvorište „Starac“ se nalazi u zapadnom dijelu općine Goražde na zemljištu označenom kao k.č. broj: 1556/1, K.O. Novakovići, udaljeno cca 2,0 km južno od naselja Sadba, u brdsko-planinskom području.

Vodovodni sistem izvorišta „Starac“ se sastoji od kaptaže na izvorištu, gravitacionog dovodnog cjevovoda i rezervoara: Sadba, Džindići, Mravinjac i Vitkovići, za snabdijevanje istoimenih naselja.

Izvorište se sastoji od više izdani u izvorišnoj zoni, zahvaćenih drenažnim kanalima koji su uvedeni u kaptažni objekat. Objekat vodozahvata je kaptažnog tipa, od armiranog betona, sa tri komore: prihvatnom, taložnom i suhom (zatvaračkom) komorom. Prema urađenim istraživanjima utvrđena je minimalna izdašnost izvorišta od cca 11,0 l/s. Izvorišna zona u kojoj je i kaptažni objekat je zaštićena ogradom. Pored lokacije na kojoj se nalazi izvorište protiče Zavodišnji potok. Sa izvorišta „Starac“ voda se gravitaciono transportuje cjevovodom PEHD Ø 225 mm do rezervoara "Sadba" (V=100m³), a dalje gravitacionim cjevovodom Ø 225 mm do rezervoara "Džindići" (V=100m³). Iz rezervoara "Džindići" voda se transportuje gravitacionim cjevovodima Ø 125 mm do rezervoara "Mravinjac" (V=100m³) i Ø 160 mm do rezervoara "Vitkovići" (V=2x120m³). Iz rezervoara voda se distribuira gravitaciono.

Dezinfekcija vode se vrši u vodnoj komori rezervoara Sadba, a za dezinfekciju se koristi natrijum hipohlorit. Na dovodnom cjevovodu, u zatvaračkoj komori rezervoara Sadba, ugrađen je mjerač protoka profila DN200mm. Sa rezervoara Sadba izveden je dovodni cjevovod PE DN225mm za rezervoar Džindići, koji se nalazi na lijevoj obali rijeke Drine. Prelaz preko rijeke Drine ostvaren je preko mosta u naselju Sadba, oslanjanjem cjevovoda na mostovsku konstrukciju sa nizvodne strane. Cjevovod je opremljen odgovarajućim armaturama i fazonskim komadima za normalno funkcionisanje (muljni ispusti i zračni ventil), te odgovarajućom termičkom zaštitom. Snabdijevanje vodom krajnjih potrošača je redovno i bez prekida.

Na osnovu utvrđenog činjeničnog stanja i dostavljene dokumentacije, a u svrhu ostvarivanja prava na vodu drugim korisnicima kao i održivog korištenja voda, podnosiocu zahtjeva, Javnom preduzeću za komunalne djelatnosti „6.MART“ d.o.o. Goražde, su ovom vodnom dozvolom u tački 2. dispozitiva rješenja, propisani uslovi kojih se dužan pridržavati prilikom korištenja predmetnih vodozahvatnih objekata u skladu sa članom 48., 64., 66., 116. i 128. Zakona o vodama („Službene novine Federacije BiH“, broj 70/06) i članom 12. i 13. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj: 31/15, 55/19, 41/20 i 63/22).

Tačka 3. dispozitiva Rješenja je propisana u skladu sa tačkama 4. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na

osnovu opće i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, Javno preduzeće za komunalne djelatnosti „6.MART“ d.o.o. Goražde, ispunilo minimum uslova za izdavanje vodne dozvole za zahvatanje vode sa izvorišta „Starac“ za potrebe snabdijevanja vodom potrošača u naseljima Sadba, Vranići, Džindići, Mravinjac i Vitkovići, grad Goražde, kao i za prelazak dovodnog cjevovoda preko rijeke Drine, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-513-3/25 od 23.12.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Munir Trako, dipl.inž.građ.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- JKP „6.MART“ d.o.o. Selvera Sijerčića br. 20, 73 000 Goražde
- ⊖ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava